

## نظره

بان مكان الخليه مين نَحَاكُ  
عسل نوار قولى كيف حَاكُ  
ترحه طارت تحتها ليل حَاكُ  
الهوى سلطك وعلى انا حَاكُ  
\*

فرح يعدى شفت جمال فالك  
يعنى أقول عقبالى وعقبالك  
نظره بين رمشين بدأ موالك  
بالكبد سهم و لا انشغل بالك  
\*

عجبنى فيك الطبع وجمالك  
ما شغل بالى قد ايه مالك  
كل املى انى اريح انا بالك  
مُهره اصيله انا بس خيالك  
\*

بلاش تزودى التقل و دلالك  
دمى إهدريه ملكك و حلالك  
وإن حافظتى عليه يحلالك  
كتاب مفتوح وخليه جرنالك

\*

مقفول بقالوا سنين أهوجالك  
أنفتح ما انفتح قبل لأمثالك  
من كلامك عرفت مين خالك  
كمان عرفت انى على بالك